



ლახტი



№ 19 კვირა, 13 ივლისი.

ერთი წლით ჟურნალი ღირს 2 მ. 50 კ., ნახევარი წლით 1 მ. 25 კ. წერილები და ფული უნდა გამოიგზავნოს შემდეგის ადრესით: თიფლის. მუხრანსკაია 12, для журнала „ЛАХТИ“.

ფასი 5 კაპ.

№ 19

ტრამპანის ღირეჰსიის თათბირი ბელგიაში ტფილისის ტრამპანის გაფიცვის შესახებ.



მკითხველებს

ქუთათურ ვაზ. „აზრის“ № 88-ში ამოვიკითხეთ წერილი სათაურით: „კიდევ შანტაჟისტები“, სადაც ხსენებული გაზეთი მოკლედ მოგვითხრობს შანტაჟისტების თავისუფალ ნავარდობას და აღნიშნავს, რომ: ყველა ეს ნაძირალები სოციალ-დემოკრატიის სახელით მოქმედებენო. თავისთავად ცხადია, რომ წერილის შინაარსი სიმართლეს არ არის მოკლებული.

ყოველმა შეგნებულმა ადამიანმა იცის, რომ დღეს, ისეთი მომენტი დადგა, რომ მუშა, მუშათა პარტია და სოც.-დემოკრატია, ეს ისეთი საუკეთესო იარაღია შეიქნა, რომელიც შეიძლება ყველა კაცმა თავისუფლად მიიკრას შუბლზე (დამშლელი ვინ არის) და განსაკუთრებით ისეთ „კაცებმა“, რომელნიც მამონის ღმერთებზე ლოცულობენ, გროშისთვის სულს აძლევენ და სხვებს უქადაგებენ: პროლეტარიზაციას, კერძო საკუთრების მოსპობას და სომხების, რუსების, თათრების, ებრაელების, ბერძნების და სხვათა ვითომდა—შეერთება-სოლიდარობაზე: „მე პროლეტარი ვარ, მე მუშა ვარ, მე მუშათა იაზეთებს ვკითხულობ, მე მუშებს ინტერძობ და ვინ მოსთვლის ამდენ ამისთანა მარგალიტ სიტყვებს აბნევენ გულუბრყვილო ხალხთა შორის. დღეს ღიბ-გასივებული ვაჭრებიც კი სოც.-დემოკრატობენ, ის ვაჭრები, რომელთაც მისწრაფებით მუშებთან საერთო არაფერი აქვთ ისე, როგორც ბატონს მგელთან, მაგრამ ვაჭრები რა სახსენებელნი არიან,— ასე წარმოიდგინეთ, რომ ზოგი ერთი წიგნის გამოცემელი და ჟურნალის რედაქტორები მეტს უნარს იჩენენ, როგორც ვითომდა მუშების ინტერესების დამცველები. განა ცნობილი არ არის, რომ ადამიანი თავის თავზე ნაკლს ვერ ამჩნევს? განა ადამიანის რწმენა გულწრფელ მოქმედებაში არ უნდა გამოიხატე-

ბოდეს?! ვიდრე ყალბ იარაღად გამოდგება და ფარისევლობაში? მაგრამ რას მიქვიან გულწრფელობა ჩვენ ფულის ხანაში ვცხოვრობთ, შემთხვევა დროზე დამოკიდებული, ისარგებლეთ და გამარჯვებაც თქვენ დაგრჩებათ...“ ასე ფიქრობს ზოგიერთი ვითომდა მუშების მოსარჩლე ჟურნალის რედაქტორ-გამომცემელი. ეს რომ ასეა, უტყუარ ქეშმარიტების დასამტკიცებლად ავიღოთ თუნდა მაგალითად ჟურ. „მათრახის“ (უნდა გავახსენოთ პატივცემულ მკითხველს, რომ ეს „მათრახის“ ის არ ეგონოს, რომელიც წინდა იუმორ. „ეშმაკის“ ხელოვნებით გამოდიოდა.) განა გასულ კვირის ჟურ. „მათრახის“ არ ამტკიცებს თავის უზენობას და უწმაწურობას? განა თავიდან ბოლომდე ყალბი რეკლამა არ არის იგი? აი როგორის ლოლიკით აუწყებს იგი თავის მკითხველებს:—ჟურნალი „ლახტი“ სანაგველა არის, „ლახტი“ მამულიშვილების საყვირია, ის უწმაწური და უგუნურია, „ლახტის“ რედაქტორი საბრალო არსება არის, ისინი მუშა მუშელები არიან, სომხების მტრები, ნაციონალისტები, გაიძვერები და სხვა ასეთი უწმაწური სიტყვები. აი როგორ ასაზრდოებენ მკითხველს ეს უკაცრაული პასუხია ჩვენი დროის ქაჩარისტები. ამ ტაკი-მასხარულ სიტყვებს „მათრახის“ ერთი ყველასაგან კარგად ცნობილი თანამშრომელი „იუმორის“ სახით ასაღებს. ასეთი უკბილო „იუმორი“ ამ თანამშრომელს ხალხის სამსახური ჰგონია. ჩვენ სრულიად არ გვიკვირს ასეთი კლოუნების ოხუნჯობა. მაშ ვაჭარი რის ვაჭარია, თუ სხვის თეთრს არ გააშავებს და თავის შავს არ გაათეთრებს? აბა მიჩვენეთ მაგალითი, რომ კაცმა თავისი ნაკლი თითონ აღნიშნოს? მაგრამ ჩვენ სამწუხაროდ მხოლოდ ისა გვრჩება რომ დღევანდელ ჩვენს მდაბიო მკითხველებში ღრმა კრიტიკას ნაკლები ალაგი უჭირავს და ყოველი სიყალბე უნე-

ბლიეთ ეპარებათ. საკმარისია, რომ ჟურ. „მათრახის“ ფურცლებზე გამოსახული ორი ეშმაკის სურათი დაინახონ, რომელიც ვიმეორებთ იმ „ეშმაკის“ სახელით ასაღებენ, რომელიც ერთ დროს გამოდიოდა და დღეს კი აღარ გამოდის. თურმე „მათრახის“ რედაქტორი და მისი ცნობილი თანამშრომელი იცით რას ეძახიან ჩვენს „ნაციონალისტობას“? იმას, რომ თუ ჩვენ რომელიმე პლუტო-კულტუროსანს (გახსენონ იშხანიანი), ანუ სომხის გაიძვერა რომელიმე ვაჭარს თაღლითობაში ანგარიში მოვთხოვეთ, ეს ამბავი ხსენებულ ჟურნალის რედაქტორ-თანამშრომელს ნაციონალური შოვინიზმი ჰგონიათ და თუ ასეთ გაიძვერა მგელ-ტურებს ხელს დავაფარებთ ეს კი „ინტერნაციონალური“ სოლიდარობა ყოფილა!..

ჩვენ კი უნდა მოვახსენოთ პატივცემულ მკითხველებს, რომ ჩვენ არ შეგვიძლიან ისეთი ფარისევლური როლის შესრულება, როგორსაც „მათრახის“ კლოუნი ასრულებს. ჩვენ ყოველთვის ყველა გაიძვერას ანგარიშს გაუწევთ, სომეხი იქნება იგი, თათარი თუ ებრაელი,—ეს ჩვენთვის სულ ერთია. ეს ნაციონალისტობა კი არ არის, არამედ ეს ყოველ პატიოსანის და მიუდგომელი ადამიანის მოვალეობაა.

მაგრამ ვთქვათ, რომ ჩვენც ყალბი იარაღი მივიკარით შუბლზე და ხალხს ფარისევლურად ინტერნაციონალურ სოლიდარობაზე დაუწყეთ ლაღადი, როგორ გგონიათ ვითომ დაკმაყოფილდეს „მათრახის“ ჩვენის არსებობით? სრულიადაც არა! ვინაიდან აქ საქმე რწმენაში და ინტერნაციონალიზმში კი არ არის, არამედ ბაზრულ ვაჭრობაშია საქმე; ჩვენ ვარსებობთ ეს „მათრახის“ ზარალია, ჩვენ თუ არ ვარსებობთ ეს „მათრახის“ ხეირია. აი ბატონებო „მათრახის“ მუცლის ტკივილი ეს არის და ამით დაავადებული თავის განკურნებას „ლახტის“ დამცირებით ლამობს. რას ვიზამთ რო-

დესაც ბუნებას ასე დაუჯილდოვე-
ბია ეს ჩვენი დროის მეჯღანუაზვი-
ლები. შეიძლება „მათრახს“ გაუ-
კვირდეს რომ, რატომ ჩვენც ისე
არ ვიცინით—როგორც ისინი
იღმიჭებიან. ამაზე უნდა გავახსენოთ
„მათრახს“ გენიოს შექსპირის სი-
ტყვები „გიჟს თუ თავი გაუყადრე,
ეს იმას ნიშნავს, რომ შენც გიჟი
ყოფილხარო“. ჩვენ ვეთანხმებით
დიდებულ შექსპირის აზრს და გიჟს
თავისუფლებას ვანიჭებთ, როგორც
სურს ისე მოიქცეს და რამდენიც სუ-
რდეს გაიღმიჭოს, რადგანაც იგი აზ-
მხრივ თავისუფალია.

ჩვენ კი ღმერთმა დაგვიფაროს.
დ. მელია.

სტენები ტფილისში

შენ შემოგვევლოს მახარებელა კვა-
ქაძე, ნუ მათქმევეინებ რაც სანახავი
და ამბები მე ამ პატარა ხანში ვნა-
ხე, თვარა ვინცხა გაზეთში ჩამაგ-
დებს და სულიან-ხორციანათ მოვი-
ჯაყები კაკალი კაცი. ღმერთმა გა-
გიმრავლოს: თხა, ძროხა, ღორი,
ქააამ-ინდოური თავისი: თიკან,
ხბო, გოკ, წიწილ-ქუკიანათ, რავარც
ჩვენში პოეტ-მწერალ, ჟურნალ-გა-
ზეთები გამრავლებული იყოს, იმ-
დენი სიმინდის კაკალი, რომ
მომცა ამ გაქირვებულ დროს, ჩემს
ბედს ძალდი არ დაჰყეფდა, მარა ამ-
დენი მლანძღველი, რომ ოჯახს
გაუჩნდეს არ იფიქრო კასპიის ზღვი-
დან დაწყებული, შავ ზღვამდე მო-
ყოლებული რაც წყლებია გაგრეც-
ხობ; ძირიან-ფესვიან, ბუდიან-კე-
რიან ზე გადმოგიტრიალებს ყველა-
ფერს და მერე გალანძღულობა, გა-
თათხულობა, მეზობლებში გამოჯაყულ-
მა, თუ კი ბაქი ხარ გამოყავი თა-
ვი, კუჭზედ უნდა გასკდე კაკალი
კაცი, მეტი რალა საშველი გაქ... შე-
ნი ქირიმე ნუ მათქმევეინებ. თორემ,
თორემ აი ჩვენი გ. თოიძე რომაა,
რომლის გაჩენაზე ღმერთს ერთი აზ-
შიკა მოსვლია; თავი ფეხების ალა-
გას გამოუკერებია და ფეხები თავის;

მეოცნებე

ცის ლაქვარდის მეოცნებემ სოფლად ვერსად გავიხარე,
გამიტაცა ცის ფერია, ღრუბლების ქავლს მოვეფარე.
ანგელოსთა სამეფოში, ცის სარკმელზე გავიხარე,
რა ვიხილე თვალწარმტაცი, მოელვარე კაშკაშ მთვარე.
ყველა ერთად... მის გარშემო იყო ლალი პირ მცინარე
და იადონი, ფრინველთ მუზა, მისთვის იყო კვლავ-მყეფარე.

იქ ველირსე ჰიშნს ზეციურს, ტკბილის ხმითა აქდერებულს,
იგი ჰიშნი დაატკობდა ობოლს დედის მიტოვებულს,
აჩერებდა ზღვისა ტალღებს მრისხანებით აქაფებულს
და ურდული თვით ძვრებოდა საკანის კარს, დატყვევებულს.

იქ გალობდა აპოლონი, ჩანგს უსვამდა ბროლის თითებს,
დამღეროდა ტკბილ ნანინას ასფეროვან ღრუბლების მთებს,
იქ არწივი მძლავრად შლიდა მიწიურსა შეხუთულ ფრთებს,
იქ სიმართლეს მსახურებდნენ ყველა ერთად... შვების ღმერთებს.

პლატონ კირვალიძე

ზურგს უკან ერთს ისეთს შემოგი-
კურთხებს, რომ... შენი ქირიმე
ნუ მათქმევეინებ; ისთველი მისი ბრძნუ-
ლი რეზობის დამსწრე გახდი და
შენმა ყურებმა იგემოს ის მარგალი-
ტივით კაკალ-კაკალი სიტყვები, რაც
მისი ბრძნული თავ-ფეხებიდან წამო-
დინდება. მართალია ეხლა ამ დაღო-
ცვილ ქალაქში ძალუანი სიტყვები
მოუქირა, მარა ბ. გ. თ—ძეს რა
უნდა გალყებოდა არ ვიცი, რაც
არ აქვს. თუ არა და რას უნდა მი-
ვაწეროთ აბა ეხლა აი ჩვენ: „მათ-
რახს“ ის გალანძღა „ცხენს ვერ
შესწვდა და კებს დაუწყო ტეხაო“
სწორედ ისთე შობა „ლახტს“ ეძ-
გერა მარა მოგეცა ლხენა და მას
ბრექა, ის გალახტული გარბოდა
კულდ ამოძუებული. შენი ქირიმე ნუ
მათქმევეინებ, გეხვეწები და გემუდა-
რები, თვარა ხარფუხის ახალი მამა-
სახლისები აშორდიის კვანტს გამო-
გდებს—რაფერ თქვას ჩემმა სულმა
კოდვილმა თვარა, თუ დასტრახვა გი-
ნდა, ან და ვიგრიშნი ბილეთების
ჩაიმასქნა, მიმართე მანასახლის კ—
ნიას, რომელიც სათვალეების ქვეშ
ერთს გაგვიღიებს და შავს თეთრად
გავისაღებს. ნუ მათქმევეინებ შენი

ქირიმე, ნუ მათქმევეინებ, თვარა გ.
„მათირიშვილს განცხადება შემოაქვს
გამგეობაში მასი გადადგომის შესა-
ხებ, ვინაიდან ახალ მამასახლის
გონგაძეს ნათელამირონობის შემო-
დებით თავისი მონათლულ-გაღანა-
თლული გამგეს სკამზედ უნდა წამო-
ასკუპოს. ნუ მათქმევეინებ, ეხლა და
შემდეგში ყველაყას ერთად დაგი-
ლაგებ.
სკანდარიკა.

დალუანსი მსახიობები პროვინციიზაში.

დ. ლანჩხუთი. (გურია) აქაურ
დრამ. საზოგადოების გამგეობამ გა-
დასწყვიტა ამ ზაფგულს მართოს წა-
რმოდგენები. მორიგ რეჟისორებად
მოიწვიეს ვ. ასკურავა, ქ-ნი დიდი-
ძის ასული, კ. ჟღენტი, ს. სანთე-
ლაძე და ა. ტუსკია. რეჟისორებმა
ერთხმად გადასწყვიტეს; დაეთხო-
ვონ თამბაქოს წევას და ეს ფულები
მოახმარონ მხატვრული პიესების
დადგმას.

რეჟისორები უკვე შეუდგნენ რე-
პერტუარის შემუშავებას. სამი დღის
თათბირის შემდეგ უარ ჰყვეს ჰამლე-
ტის დადგმა, რადგანაც შიგ არ აღ-
მოჩნდა ხუთი ჰამლეტი და ოთხი

ოფელია. ეხლა აპრობენ „ოტელოს“ და „მეფე ლირის“ დადგმას. დაიწყეს დეკორაციების ხატვა ნახშირით.

რადგანაც ელოს და კოწოს რომანტიულმა სიყვარულმა ჩაილულის წყალი დალია, ამიტომ კანდიტერის მსვლელობამ ფეხი იღრმნა მიღებულია ზომები (რომ ხელ ახლა გაჩაღდეს საქმე) „ტანვას“ კაბებით „მოლნი“ ქოლგებით და აბრეშუმის სარუბაშკებით.

ს. ასპანა. (გურია) შაბათს 28 ივნისს ასკანის საზოგადოებამ ახალ მოდის მსახიობს ვ. შარაშენიძს გაუმართა ბენეფისი. საჩუქრათ მიართვეს 2000 ქანქარი და თხმელას ფურცლის გვირგვინი. წარმოდგენის დროს ხალხს ტკბილად ეძინა. კარგს იზამს ტფ. დრ. ს—ების გამგეობა რომ ყურადღებას მიაქცევდეს ამ მსახიობს, ვინაიდან ბ. შარაშენიძის თავში ნიჭი სდგას.

ს. ბუჟანარი. ითამაშეს „ბატონი და ყმა“ ხალხი წარმოდგენის დროს ხან იცინოდა—ხან სტიროდა. კარგი იყო მსახიობი: ს. ყურციქე გაბოს როლში, რომელიც სხვამ შეასრულა.

ს. ხაღისთავი. ადგილობრივმა გამგეობამ რეჟისორად მოიწვია მსახიობი ვ. სარელი ამ 1 თვის განმავლობაში უნდა დადგას 20 წარმოდგენა, ამიტომ ეხლავე შეუდგნენ სკენის-მოყვარეთა ძეგნას. მსურველს შეუძლიან ჩაეწეროს ლობრების ყურებში.

ს. აქმთი. მსახიობი ა. ჯაყელი გამართავს წარმოდგენას ბ. მგელაძის მონაწილეობით და დ. მგელაძის რეჟისორობით. რეპერტუარი „აღამ და ევა“, ევას როლს შეასრულებს დ. მგელაძე, ადამისას ა. ჯაყელი. რეპერტუციები ორი თვეა დაიწყეს.

დ. ჩოხატაძე. ახლო მომავალში მსახიობი ს. ბოლქვაძე თავის საბენეფისოდ დასდგამს „ვეფხვის ტყაოსანს“ წაველას რეჟისორობით. ტარიელის როლს შეასრულებს ივანე დავითიძე, ავთანდილისას მობენეფისე.

მასწავლებელ ვ. ასკურავამ ღმერთს აღთქმა მისცა, რომ ამიერიდან ღვინო არ დალიოს, და ნაცვლათ ხანდისხან გაერთოს არყით.

მსახიობ ვ. ურუშაძე უკვე მოურიგდა გურიაში ღურგალს, რომე

ლმაც უნდა გააკეთოს ისეთი კოლოფი, რომ მსახიობები და დეკორაციები თავის ბუტაფორიით შიგერთად იქნებიან დამწყვდელი. მოგზაურობას დაიწვებს ამ დღეებში.

მსახიობ ვ. გუნიას დაეკარგა მსახიობი ვ. ბარველი. ეძებენ დიოგენის ფანრით ღვინის სასმელ ღუქნებში, მაგრამ ჯერ ჯნრობით ვერ აღმოუჩენიათ. ნიშნები: სიმაღლე 4 არშინი, სისქე 5 არშინი, მხარბეჭი 2 არშინი. სილამაზე: არც თეთრი არც შავი. ვინც იპოის საჩუქარს მიიღებს.

მსახიობ ს. ხერციქემ გადასწყვიტა, სოფლათ მასწავლებლებს წარმოდგენების ნებართვა აძლიოს და თვითონ არ დაესწროს, რადგანაც ისედაც კარგად მიდის წარმოდგენების საქმეო.

პეისხოლა თელავიდან

თელავისა ზღუდესა შინა, სახელად ძველ-გალავენად წოდებულსა, სცხოვრობს კაცი ვინმე ღვთისა სახელად მიხეილა. აღწერასა სიწმინდისა მისისა ცხოვრებისასა, სიქველეს მისსა და დიდ-ბუნებოვნისა სულისა მისისისა, უნდა დაშრეტელი ენა. ვინაიდან კაცი ესე საკვირველ მოვლინებულ არს მხსნელად (მცარცველად) და მეოხად მცხოვრებთა ზღუდეთა შინა თელავისათა.

სულსა მისსა უზომოდ წმიდასა, უზომოდ კეთილსა, და უზომოდ ძლიერსა ჰფარავს სხეული ჰერკულესისა, და თავი ქურჭელი დაუშრეტელისა სიბრძნისა მისა, მოგაგონებს თავსა უძლიველსა ჰირატყვთა ბატონსასა.

აგერ რამდენიმე ათეულსა წელსა, კაცი ესე, საკვირველი განაგებს ბედ-იღბალსა თელავისასა და მცხოვრებნი მის ძლივეამოსილ ფრთათა ქვეშე განიცდიან სრულსა ბედნიერებასა და ნეტარებასა ამა ქვეყნისასა: აქ არ არს არც ჩაგრული, არც მჩაგვრელი, არც სომეხი, არც ქართველი, არც ქალი, არც კაცი და სამართალი მისი იწონება სისწორითა მართლმსაჯულისა მგეფისა სოლომონისა“.

მისისავე დაუღალავი შრომითა, სანახაობა ბედნიერებისა ქალაქისა ჰხიბლავს ადამიანის გულსა, ატყვევებს თვალსა, სისუფთავესა მარმარილო დაფენილს ქუჩებისასა, ვერ აღწერს

ხელი: თვით გამადიდებელისა შუშითა, ვერ იპოვნით სურნელოვანსა ფხვრიელსა საყვანოელად, თვით ამა საკვირველი კაცისთვის.

ალაგ-ალაგ შადრევნები ვერცხლის წყლის მჩქეფველნი, წარმოდგენენ საუცხოვრასა სანახავსა.

ალაგ ალაგ ციფ-ციფი აუზები საბანაოდ ჩვილთა ყრმათა, სავსეა უკვდავებისა წყლითა. ამისა ნიშნად ერთმა ყრმამან, სახელად „მკრტიშა“ ამა უკვდავებისა აუზსა შინა განუტევა სული და გადასახლდა სამეფოსა მას უკვდავებისასა.

დიდი არს მზრუნველობა ქალაქის პატრონისა, რომელიცა თვით ყრმათა და ჩვილთა არ აკლებს თავისსა მამობრივსა მზრუნველობასა.

ბალი ქალაქისა თვალწინ გიხატავთ საოცნებო სიტუარტესა ედემისასა, რომელშიაც წყვილწყვილად დასეირნობენ ძენი და ასულნი კოლხეთისა და სტკებნიან სიბინძურიან შეზანბულისა ჰაერისა ყნოსვითა.

განათება ქალაქისა, თვით ღამეც კი მოგაგონებთ ღღესა და თუ ბრძანი ამა ქვეყნისანი, თვით მარმარილოთ ნაგებ ქუჩებზედაც თავპირს იმტვრევენ, ეს არ შეადგენს დანაშაულსა ქალაქის თავისასა.

საკვირველსა კაცსა ამას ბატონსა და პატრონსა ქალაქ თელავისასა ახლავს ორი მოციქულნი, მარჯვენა ხელნი თვისისა ბრძანებელისა.

1) გიორგი, რომელსა წინააღმდეგ მცნებისა ქრისტესისა: „შეიყვარე მოყვასი შენი ვითარცა თავი შენი“ უარ უყვია სრულიად თავი თვისი და განმსქვალულ არს უზომოითა სიყვარულითა მოყვასისათა.

2) ლევან, „ამოძახილი“ გიორგი მოციქულისა, მოწიწებით და გულმოდგინედ ავრცელებს მოძღვრებასა გიორგი მოციქულისასა, თავი თვისი შეუწირავს მოყვასისათვის: ჰქადაგებს უარყოფასა სამშობლოისას და საკაცობრიო სიყვარულსა, მხოლოდ თვით მეტის მეტისა შრომითა და ღვაწლითა დამსგზავსებულ არს ჩონჩხსა ზოჩისასა.

აი, ეს კაცი, „მესისა“! თვისითა მოციქულებითა მოვლინებულ არს მხსნელად და მეოხად ჩვენდა და მცხოვრებნი ზღუდესა შინა თელავისასა, ხელ აღპყობილნი ალაველნენ მხურვალესა ლოცვასა, რათა მეუფემან განაძლიეროს ბატონობა მათი.



ყველაფერი აირია

(სცენა პუშკინის ბაღში)

(სადამო ვამია, სიციხისგან შეწუხებული ს:ჯხი პ:დშია კა:ფუქიდი, სხვათა შორის ერთ სკამზე სხედან ოთხი ერთი კბილის ვაჭარი: კა:ფუსტა, ხეჩო, გასპარა, ბუღდანა და პაყაფი სკეჟა).

გალუსტა: საქულ! უზურში ამ დროებს არ უყურებთ... რა დრო დადგა?! ჰაი გიდი ძველო დროებავ! შე რომ ეხლანდელ ხალხს ვაკვირდები ცირკის კლოუნები მგონია, სად არის ძველებური აღებ-მიცემობა, ძველი ვაჭრები, ერთი ჩვენ-და დავრჩენილვართ. დროება გადაბრუნდა, დროებას ჰაერიც რომ გამოიცვალა! ხან ძაღვზე ჩამოცხება ლამის ტვინი აღდუღდეს და ხან კი ისე აცივდება გვეგონება იანვარი არისო. კაცო!.. პარიატკაზე აღა-რაფერია და...

საქულა: (შირს ადებს, უნდა დაამთავრება). ჰაერზე ნუღარაფერს მეტყვი ჩემო გალუსტ! მთელი დღე სიციხისაგან პირი დამიღია, რომ არ მრცხვენოდეს ფუქს ვიყიდდი და იმითი დავიბერავდი. გუშინ საგარე-ჯოდან მოველი, იქ ცოტაოდენი გაცემული გროშები მაქვს და ვექსი-ლები მქონდა გამოსაცვლელი, ხომ იცი ეხლანდელი დრო აღარავინ არის სანდო... ჰო იქიდან დიდიჯ-ნის ფული დამენანა, ცარიელ ფურ-გუნს შევხვდი იაფად და სულ და-მანჯღრია. აქ ჩამოველ კიდევ და აყალ-მაყალ დამიხვდა: კონკები

აღარ მუშაობენ, წადი და ათას სა-ქმეზე და ხლაფორთებზე ფეხით ია-რე. კაცო! რას ატეხილან ეს ტუ-ტუსები სამგლე გოჭებივით! ამ სი-ცხეში ციმიბირი ხომ არ მოსდომე-ბიათ! მერე რეებსა თხოულობენ კაცო!.. იმათ მაგივრად მე მამდის ჯავ-რი, მე!..

გასპარა: (ხელის ხმით) მაშ?!.. რა გგონია საქულ, რაც ეხლა თითის-ტოლა ლაწირაკს ეშმაკობა აქვს, უწინ ასი წლისას არა ჰქონდა!.. ვერ უყურებ ყველამ გაიღვიძა, ყვე-ლა თავის ახსა თხოულობს, უწინ-დელი მიამიტობა ხომ არ არის, არც არიან გასამტყუნარნი, ყველაფერი გაძვირდა და ეგენიც მეტს თხოუ-ლობენ, ხალხი განათლდა, ხალხი! ვერა ხედავ, ვაზეთები სოკოსავით გამრავლდა!..

საქულა: (გაკვირვებით) კაცო! რეებს ამბობ, შენც ცოციალისტი გამხდარხარ და იმ სათოკეებს ამართ-ლებ! კი არ განათლდნენ გადაირივნენ, ყველა ახალგაზრდა თავში დაკრუ-ლია, ეხლანდელი ლაპარაკი, ლაპა-რაკსა ჰგავს, თითი უნდა დაიცო ყურში, თითი!..

ხეჩო: განა სიზმრათ დაგესიზმრე-ბათ ისეთი აყალ-მაყალი, რაც ეხლა

ხდება? უფროსობა აღარ არის და უმცროსობა. ბიჭისთვის ხმა ვეღარ გამიცია, ნება არა გაქვსო, ბიჭო და უწინ თუ მქონდა ნება, ეხლა აღარა მაქვს?! ჩემი ხაზეინი დღეში ათჯერ მცემდა და განა ხმის ამო-ლებას გავბედავდი!..

ბუღდანა: მე, რომ პირველად ღაღოსთან მიმიყვანა ცხონებულმა მამა-ჩემმა ასე უთხრა: აბა ღაღოჯან შენთვის ჩამიბარებია ჩემი ბუღდანა და შენ იცი როგორ კაცსაც გამო-იყვანო. ეს იყო და ეს მეც ხმა ამოუ-ღებლივ ვემსახურებოდი. ერთი ქუ-დი მიყიდა ცხონებულმა და მთელ შეგირდობაში ის მეხურა. ფეხზე ხომ ისეთი ხარახის ჩუსტები მეცვა, რომ თითებიდან ორთაქალა გამო-ჩნდებოდა. ყაირათსაც მაშინ შევე-ჩვიე. რამდენჯერ უთქვამს: წყალი დალიე ბიჭო გაიბერები, პურის ალავს დაიჭერსო. დუქნის დაკეტვა იყო და ვინ იყო მოდავე, როცა გვინდოდა დავკეტავდით, როცა გვინდოდა გავაღებდით. რასაც უწინ დამბალ-დუმბალ ხილს ვასაღებდით, ეხლა ვინ გაჰყიდის, ვინ! თუ არა დარჩეული მაშინვე გადაჰყრიან და პროტოკოლს დაადგენენ!

გალუსტა: ეს გაფიცა რაღა დო-ზანა არის!? ფიცი სულში გამიგია საჩივარზე და არა მუშაობაზე. ბიჭო შე ყურუშსალო, ვისაც არ გეყუ-რება, თუ არ გინდა მუშაობა სხვას რაღას უშლი, თუ გინდა და დადე-ქი შენ ქერქში, სქამე ერთი ლუკმა პური ღმერთს მოუტია რაღა! ყველა ის რომ შევესრულო რასაც მთხომ შე არამზადავ, ბარემ ხაზეინი შენ იყავი რაღა!..

საქულა: არეულობის აქეთია ქუუზე აღარა ვარ, ერთი ბრახუნი რომ მესმის შიშით გული მისკდება, ყველაფერი ბომბა მგონია! ეხლა არის და ბაქოში ბუნტობენ და ლა-მის შიშით სული ფრჩხილებში გა-მეპაროს. ვფიქრობ უწინდელივით აყალ-მაყალი არ ასტყდეს. ტანისა-მოსი ვერ გამომიცვლია, ქუღია და აღარ მახსოვს როდის ვიყიდე, რომ

თხოვლობენ საიდან, განა ხაზინე-
ბი ფულსა სჭირან!..

ხეჩო: კაცო ქრისტიანები არა
ხართ, სწორედ იმ დროს გვაკეტი-
ნებენ ღუქნებს, როდესაც ვაჭრობის
დრო არის! ეს ნორმის დასვენება
არისო, გუშინ კინალამ ბიჭი ღუ-
ქანში გამოიმომწყვიდეს, ეს ნორმა
რალა ჯახრუ-ჯანაბა არის! უწინ
რომ ესენი არ ვიცოდით ვერა ვცხო-
ვრობდით, ბარაქაც მაშინ იყო და
დოვლათიც!.. არა ბიჭს რა დასვენ-
ება უნდა რა საცალოები ჰკიდია
თუ რა არის? გინდა სახლში მჯდა-
რა გინდა ღუქანში. დასვენებით უფ-
რო დაზარალებულნი და ბაღებში დაე-
ხეტებიან მათუშკებთან. ახ! ერთი
ჩემ ხელში იყვს და მე ვაჩვენებ
დასვენება როგორიც უნდა! (ამ დროს
ერთი ახალგაზრდა ნაქარა გაიფხის).

საქულა: ცოტა ხმა დაბლა თო-
რემ იმ სათოკეს ვერა ხედავ, (კო-
ციალისტობს, ღმერთი მაგას არა
სწამს და ხატი. მთელი ქარვასლის
ბიჭები მაგან ვადარია, ერთი თავზე
ხელ აღებულა, ხვალვე გახეთში
ჩავვადებ, ვერ უყურებთ რეებსა
ჩხაზნიან! სად იყო უწინდელ დრო
ში ესენი, აფსუსი არ იყო ყარამ-
ნიანის წიგნები!..

გალუსტა: ქვეყნის ბოლოა, ქვე-
ყნისა, ყველაფერი აირია! (ამ სიტ-
ყვებთან ერთად ოთხივენი გადაან ბა-
დიდან) პეტრუზა.

ლ ე უ ბ ი

I*)

ბატონი პოლიკარპე ძველი დროის
ინტელიგენცია; მღვდლის შვილმა
სასულიერო სემინარია დაასრულა,
მღვდლობა არ ისურვა; „დასელთა“
ჯგუფში ჩაეწერა, თმა მოუშვა, ხელ-
ში მსხვილი ჯოხი მოიმარჯვა და
შკერდ-გაშვერილი ცხოვრების ასპა-
რეზეზე საბრძოლოვლად გამოვიდა.

კაცმა მართალი უნდა სთქვას: თა-
ვის ახალგაზრდობის მეთაფი ხანა

*) ეს მოთხრობა დაბეჭდილი იყო გაზ.
„დილაში“ 1911 წ. საჭიროდ დაეინა-
ხეთ ვადმოგვებებდა ჟურ. „მათრახის“
ერთი თანამშრომლის საყურადღებოდ.

მინც ციხესა და სატუსალოებში გა-
ატარა, თმა უდროვოდ გაუთეთრდა.

ცოლშვილს აღრე მოეკიდა. ჯერ
ოცდა ექვს წლის ჰაბუკს მოეწონა
შორეულ მეზობლის შავთვალ-წარბა
ეშხიანი ელიკო. ელიკოს შეუყვარ-
და ლამაზი და კვიანანი ახალგაზრდა,
ჯვარი დაიწერეს. შვილები ერთი
მეორეს მოჰყვა.

ელიკო სოფელში სცხოვრობდა,
ქმრის ოჯახში; ოჯახობდა, შვილებს
ზრდიდა თავისუფალ ეზო-გარემოში
და გაშლილ ჰაერზე; პოლიკარპე კი
მეტეხის ციხის კედლებზე ხშირად
ბუზებს ითვლიდა და რალაც შენიშე-
ნებს სწერდა. მოხუცი მამა და ახალ-
გაზრდა ცოლი ციხის კარებს არ
შორდებოდნენ: ან გუბერნატორისა,
ან ჟანდარმების უფროსისა, ან ვინმე
გაგლენიანის კარებზე ქალაღლით
ხელში და გულ-გადაღლეულნი ელო-
დებოდნენ რიგსა...

თვეები და წელიწადები ასე გა-
დიდოდნენ..

პოლიკარპე თავის ცოდნის სალა-
როს უფრო აფართოვებდა: ცოდნას
და გამოცდილებას იძენდა, სამეც-
ნიერო წიგნებს სულ ძირი გადაუბ-
რუნა, არ დარჩენია არც ერთი მოძ-
ღვრება, რომ ზედ-მიწევნით არ შე-
ესწავლოს. საწყალ ელიკოს თავის
სახელის მოწერა-კი ახსოვდა, რად-
გან ქმრის დასახსნელ სათხოვრებზე
ხშირად უხდებოდა ხელის მოწერა,
თორემ დანარჩენი, ყველაფერი დაა-
ვიწყდა, ცხოვრებას ჩამორჩა, ერთისა
და იმავე აზრის ფიქრმა გონება და-
უჩილუნვა, თვალში სინათლე გამოუ-
ლია და ტანზე ხორცი შემოაქცნო.

— ღმერთო, შენ მაღირსე ის ბედ-
ნიერი დღე, ექვსი თვე ერთად მა-
ცხოვრე ჩემ პოლიკარპესთან, გაუყ-
რელად, ბედნიერად და მერე, თუ
გინდა მომკალი!

ასე ევედრებოდა ღმერთს ელიკო.

II

— ელიკო, სად წავიდენ ბავშვე-
ბი? დაუძახე ყველას, და აქ დაჯე-
ქით, გიყუროთ ცოტა ხანს. რას და-
ფუსფუსებ? იმ ოხერ ვახშამს გო-

გოც კი გააკეთებს,—უთხრა მოსულ-
მა პოლიკარპემ ცოლს, ხელში ხელი
მოჰკიდა და ახლოს დაისვა; უნდო
და ხელი წელზე მოეხვია, მაგრამ
რალაც უღონოდ ძირს დაუშვა ხე-
ლი; თვალებში ჩააჩერდა, თიშკოს
უნდოდა იქიდან თავისი მომავალი
განაჩენი ამოეკითხა. მერე თავადვე
აეგოს ცრემლით თვალები, პირი
მოაჩიდა ელოს.

— პოლიკარპე! რა იყო, რა გა-
ტირებს?! ვაი ჩემი სიკვდილი—ავად
ხომ არა ხარ?..—შეეკითხა ცოლი
მზრუნველობითის კილოთი;—დალა-
ლული იქნები, მიწეკ, შენი ჰირიმე.

— არა, ელიკო, არა. ბავშვებს
დამიძახე და აქ დაჯექი ჩემთან,
მერე სტუმრებიც მოვლენ, მერე მა-
ტარებელიც მოვა და, ხომ იცი—
უნდა გავყვე.

— საით პოლიკარპე?
— ქალაქს...

— დედავ! პირველი მატარებელს
ამოჰყევი და მეორეს უნდა გაჰყვე?
ელიკოს გამხდარ სახეს ზაფრანას
ფერი დაედო..

— უნდა გავყვე, ელო!
— მერე რალად მოდიოდი? გაის-
ტუმრებდი რალაც საქმე გქონდა და
მერე მოხვიდოდი..

— ვერ დავდექ: ისე მომენატრეთ
ბავშვები, შენ... ისე, რომ—ფიქრი
და წამოსვლა ერთი იყო, ცხვირსა-
ხოციც კი არ გამომყოლია...

— ღმერთო მომკალი ეხლა, რო
გორ უნდა გამიძლოს მე, უბედურს,
გულმა, სული როგორ უნდა მედ-
გეს: მთელი წელიწადი თვალით ვერ
გხედავ, ახლა დაგინახე და ეს რასა
ჰგავს?

— ელიკო, შენი ჰირიმე, ახლა
უნდა წავიდე, არ შეიძლება. ორი
კვირის შემდეგ ჩამოვალ.

უთხრა და პირი ფანჯრისკენ მიი-
ბრუნა...

— პოლიკარპე არ მოუკვდეს ჩემს-
თავს, მეც ახლავე სამგზავრო ჩემო-
დანს ავიღებ და მოვდივარ, ღმერთი
არ გწამს.

პოლიკარპე შეაჩერეს ამ სიტყვებ-
მა... მსწრაფად მობრუნდა,

— ელიკო, რას ამბობ, ბავში ხომ არა ხარ? ან პირველად ხომარს მივდივარ? ოთხი შვილის დედასას ასე ყმაწვილობა შეპყვრის? ბავშვებს რას უშვრები?.. გეუბნები: ორი კვირის შემდეგ მოვალ და სამთვეს დავრჩები; — ნატაშა, ა. ნატაშა! სად დარბიხართ! მოიყვანე კოლა, ბაბო, გრიშა, ყველან აქ მოდით! — გადასძახა ფანჯარიდან ათის წლის გოგოს, რომელიც თამაშ-თამაშით ეზოში გარბოდა.

ელიკო ერთხანს უსიტყვოდ მიაჩერდა ქმარს, გული აემღვრა, თვალთავან ორი მსხვილი ცრემლი გაღმოუგორდა და გამხდარ ლოყებზე კრიალით წამოვიდა. საჩქაროდ თვალეზზე ხელი მიიფარა და ოთახიდან გავიდა. პოლიკარზე თვალი გაადევნა, ერთი მძიმედ ამოიოხრა; თანაც სახეზე ხელი მიიფარა და გაიბრინდა. ცოტა ხნის შემდეგ სიცილიკისკისით სახლში ბავშვები შემოკვიდნენ და სიხარულით მამას კისერზე მოეხვივნენ. ვინ კალთაში უჯდებოდა, ვინ კისერზე ეკიდებოდა. მოხუცი მღვდელიც, პოლიკარზე მამა, შემოვიდა ჯოხის ბჯენით... შვილს მიესალმა, თავის ძველ სავარძელში მძიმედ დაჯდა.

ეს იყო და ეს — ელიკოს ქმრისთვის სიტყვა აღარ შეუბრუნებია.

საღამოს სტუმრებმა მოიყარეს თავი; ყოველთვის ასე იცოდა კუთხემეზობლებმა, როცა პოლიკარზე ჩამოვიდოდა. ვახშამი კარგი გაიმართა: ღამის სამ საათამდის ისეთი ქეიფში იყვნენ, სულ ჭერში ქუდსა სცემდნენ. პოლიკარზე მხიარულობა კი ყველას აქარბებდა: ჩვეულებრივი არ იყო იმისი არც ღვინის სმა, არც სიმღერა — ყველაფერს თავდავიწყებით ეძლეოდა, თითქოს რაღაც ჩუმ ნადველს ჰღვინავდა.

სამ საათზე ხალხის მატარებელმა ჩამოიარა. პოლიკარზე გრძნობით დაჰკოცნა ცოლ-შვილი, წაღმა დატრიალდა, მატარებელში ჩაჯდა და თან გაჰყვა.

III

პოლიკარზე წასვლის შემდეგ არ გასულა ორი კვირა, მეხის დამცემი

წერილი მიიღო ელენემ ქმრისაგან. კითხვის დროს თვალთ დაუბნელდა, მუხლები მოექრა და გულშედონებული იქვე ჩაიკეცა.

როგორც იყო მოასულიერეს, გონზე მოიყვანეს, მაგრამ დიდხანს ლოგინი აღარ აურეკია, უარესად გახდა: დადნა, აჩრდილს დაემსგავსა. გაორკეცებულის გრძნობითა და სიყვარულით მოექიდა ბავშვებს, მხოლოდ ისინი იყვნენ ელენეს სიცოცხლის საგანი და მისწრაფებანი.

წყნარი ბუნების ადამიანი, ეხლასრულებით მოღუნდა, თითქოს დამუნჯდა: მთელი დღე ხმას აღარ ამოიღებდა.

მოხუცი გაბრიელიც გამოიცვალა იმ დღიდან, რა დღესაც წერილი მიიღეს. მოტყდა, თითქოს დაძაბუნდაო, ჩქარა მოხუცდა და ისიც გულ-ჩათხრობილი გახდა... იმისი იმედი პატარა ბავშვები-ლა იყვნენ: ცრემლ-მორეულის თვალებით შესტკეროდა შვილის-შვილებს; უფროსს კოლას, იმედით შეხედავდა. მომესწარი, ბაბუა, მომესწარი გენაცვალოს ჩემი თავი. შვილმა თუ დამჩაგრა, კაცობა შემირცხვინა და ოჯახი დამინგრია — შენ მაინც გაახარე უბედური დედა შენო.

მეზობლები ჩურჩულებდნენ და ათას ნაირს რასმე უამბობდნენ ქერთ მანერთს.

— ასე ეკადრება ელიკოს, ამ სულელს ამას. დაუჯდა მამამთილს გაბრიელს, რა მაგის მწყევლა უნდოდა!..

იტყოდა ერთი მეზობელი.

— სამწყევსავი თურმე ქმარი ყავდა — უმატებდა მეორე.

— ქალი ქმართან გაუჩენია ღმერთს, ეს აქ წამოჯდა, ის სულ ეშმაკებში, რა თქმა უნდა ვისმე გადაეკიდებოდა, აბა როგორ იქნებოდა.

— დაიჩინებთ რაღაცას. სად წაჰყოლოდა, ციხეებში ეცხოვრა მაგასაც... და ქალაქში სიმშლით მომკვდარიყო?

— მაშ იჯდეს ახლა ესე და ამეიქინჯოს თვალეები ტირილით. პოლი-

კარკეს აწყინოს გათქვირებულმა კნიაენამ...

— მართლა თავადიშვილის ქალი ყოფილა და მერე როგორი — არ იკითხავთ?..

— ღმერთმა დასწყევლოს იმის უსინდისო თავი: ცოლ-შვილიან კაცის მეტი ვერავინ ნახა?

— ამის რა მოგახსენო და პოლიკარზე-კი, მოჯამაგირედ ეკადრება თურმე. მერე ოჯახის შვილი, ამბობენ.

— უი, უი, იმას დაუდგეს თვალეები! მერე კაცი ვერ იშოვნა? რაღა ამ კონტლებიანს გადაეკიდა?..

ასე მსჯელობდა კუთხე-მეზობელი; პირში არას აგონებდნენ ელიკოს და, რაც შეეძლოთ, ვითომ ანელეზინებდნენ დარდს, მაგრამ ერთხელ სასიკვდილო გულს რაღა გაჰკურნავდა.

პოლიკარზე უკუღმა დატრიალდა და მართლაც უკუღმა იყო მისი საქმე წასურ.ი. განზრახ მივიდა მაშინ სახლში, რომ სამუდამოდ გამოთხოვებოდა ცოლ-შვილს, კუთხე-მეზობელს, ყოველივე ძველთან გაეწყვიტა კავშირი და ახალი სიყვარულის მორევში შეტურებულს ახალი ცხოვრება დაეწყო. ეს საქმე ასე მოხდა. არც ცა, არც ღმერთი, არც წყაროს ჩხრიალი, ყვავილთ ბიბინი, ფოთოლთ შრიალი, კაშკაშა მთვარე, ციხე ვარსკვლავები, გინდ მწვანე ტყე, არც ერთი არ ყოფილა დამნაშავე, ამათვან არც ერთს არ მიუღია მონაწილეობა. ეს ოცნების ნავთ-საყუდარნი სრულიად უმართლო იყვნენ ამ საქმეში.

მ. გარიყული.

(დახასრული იქნება)

სუსხიანი აზვავი

◆ გაზ. „აზრის“ რედაქცია ძალიან გაუბრაზებია „ამხანაგ“ რუს სოც.-დემოკრატიც ცილის წამებას: ვითომ კავკასიელი სოც.-დემოკრატები ამ ბოლო დროს „გაავტონომისტ-გაფედერალისტებულოყვნენ“ ამისათვის გაზ. „აზრის“ რედაქციას გადაუწყვეტია მთელ ქართველ სოციალ-დემოკრატთას თავი მოუყაროს და მდ. რიონში ხელმეორედ დანათლოს და სიტყვა „ქართველი“ თავის ლექსიკონიდან ამოშალოს. მირონს წმ. ფილიპე მახარობელი

სცხებს მარტოვ-ლენინის თანადს-
წრებით.

◆ წარსულ კვირის „თეატრსა
და ცხოვრებაში“ „სინათლის“ ავ-
ტორის ი. გედევანიშვილის წერილი
იყო მოთავსებული, რომელითაც ემ-
დურება გ. რობაქიძეს, რატომ და-
იწუნე ჩემი პიესა, „სინათლე“, რო-
დესაც ქართველი საზოგადოება აღ-
ტაცებით მიეგებაო.

ამაზე გულისფანქვალთ ველო-
დებოდით გრ. რობაქიძისაგან პასუხს,
რასაც ვკითხულობთ „სახ. ფურ.“
მე-მე წომერში. მართლაც, ეს ისე-
თი ფილოსოფიური პასუხი იყო,
რომ ვერაფერი ვერა გავიგეთ რა,
რადგან იქ მრავალი უცხო სიტყვე-
ებია ნახმარი მაგ. ლოგიური ქეშმა-
რიტება, აბსტრაქციული თქმულება,
იორაციონალი სინამდვილე, აფრ-
თოვანება, განწევრება, ობიექტივი,
ალეგორია და მრავალი სხვა.

კარგს იზამს „სახ. ფურ.“ რედა-
ქცია, როდესაც გ. რობაქიძის წე-
რილს ბეჭდავდეს, თან დაურთოს
მცირე ლექსიკონიც, თორემ ჩვენში
ფილოსოფოსები არ მოიპოვებიან.

წერილი რედაქციას

ბ. რედაქტორო! ნება მოგვეცით
თქვენი ჟურ. „ლახტას“ საშუალე-
ბით გამოვაცხადოთ შემდეგი:

ჩვენ ლანჩუთის რკინის გზის
მუშები გულისწყრომას ვუცხადებთ
დღაროენი მასტერს სიმონ ფირცხა-
ლაიშვილს. ვერ წარმოვიდგენია
რაში იმართლებს თავს ეს ვაება-
ტონი, განა დაავიწყდა ის დრო
როდესაც მუშებს აღგილიდან აძე-
ვებდა? თანაგრძნობას ვუცხადებთ
მუშების ინტერესების დამცველს
კორესპონდენტ თა—რას, რომელ-
მაც გამოამხეურა მისი საქმენი სა-
გმირონი. ვუსურვებთ თა—რას მეტ
ენერჯიას და პირდაპირობას, რომ
კვლავაც გამოამხეუროს ასეთი ვაე-
ბატონების საქმენი საგმირონი.


ხელს აწერს ნ. კაცი.

ბ. რედაქტორო! ნება მომეცით თქვე-
ნი გაზეთის საშუალებით ვაუწყო ვა-
ტეგემულ შეათხველ საზოგადოებას და
სამსახურში დაჩხუნილ ჩემს ამხანაგებს,
რომ ბ. ნ. მანგაგარაიანის საქმენი საგ-
მირონი უფადაა და მანაურ მოქმედე-
ბის საზღვრებს გადაცილებულია. ის სულ
უმიზეზად, ქუჩაში ერეკება ცალშეადა-
ნი მოსამსახურეებს, არ ერელება არა-
ვითარ სამარცხეინო საქაქაუს, მისი

მოქმედებები სცილდება უფადაა უზ-
ნუას მოქმედებას. რამდენი ჩამოკუთვა-
ლო მისი საგმირო საქმენი სულ უმი-
ზეზად დაითხვეა კონდექტორი ალ
მამამთავრამეოლა, და სხვებიც. დამი-
თხვეა მე სულ უმიზეზად, წარმოად-
გინეთ ავადმყოფ ადამიანს არ მიმცა
თავსუფულება (კბალება მტკაოდა) მე
აქამა. მიხმასა რადაც, რადაც არა სა-
კადრასი ჭკრები და უფროს ჩამამამინა,
ვითამ მე საჩამადა ვაყო, გუდაოდა, არ
გემორჩილებოდე მის ბრძანებას. რაც გა
მოხასტება თუჩვე იკაში, რომ ჭკრას
კაცსადათ ჩესტა უნდა ავადო და უაფელ
მის უადაყო და უმინასსო მოთხფე-
ნასზე მექმის თქვენო დამტეულებზე
მეძახს. მამ დამისხველას ბ. ნ. მანგა-
გარაიანს, თუ უაფადა ჩემს ცხფრებაში
ისეთა მაცადათა, რომ ვანმეს უზრდე-
ლად მოქმედადე ან ვანმე გამედახ-
დალს ან ვანმესთან უაგრეულად ვუო-
თადააფა მე ხომ ბეტრე მანგაგარაიანი
არა ვარ ბაყაყაით ვიბერებოდე ხარს
დავუმგზავსოფო. ესდა ეს იკამრეთ და
შემდეგში მზად ვარ მთელი თქვენი
უპისტოლე ცხფრების ვაუწყო საზო-
გადოებას თუ არ დასასხველებ იმ ბრად-
ლებს, რის გამიფ მე დამითხვეეთ.

ვთხფეთ ერთ-ერთ რუსულ გაზეთს
გადაბეჭდას ეს.

გრიგოლ ლუკას ძე შავდია.



„ხარფუხის საზ. კლუბის“ ხოხობი.

„ხარფუხის საზ. კლუბის“ „მანბეკლარი“.